



Na osnovu člana 67. Zakona o organizaciji organa uprave u FBiH („Sl. novine FBiH“, broj 35/2005), a u vezi sa članom 17. Zakona o javnim nabavkama ("Sluzbeni glasnik BiH" broj: 39/14), Premijer Kantona, d o n o s i :

ODLUKU

o usvajanju Privremnog plana javnih nabavki za 2021. godinu

I

Vlada Unsko - sanskog kantona, kao ugovorni organ, utvrđuje stvarne potrebe za nabavku radova, roba i usluga u budžetskoj 2021. godini.

U skladu sa Dokumentom okvirnog budžeta (DOB) za period 2021-2023. godine, a s ciljem osiguranja svega što je potrebno za djelokrug rada ugovornog organa, donosi se Privremeni plan javnih nabavki, koji sadrži podatke o predmetu nabavke, procijenjenoj vrijednosti nabavke, planiranim sredstvima u budžetu (iznos i konto), vrsti postupka, planiranom početku i završetku postupka, načinu ugovaranja (ugovor ili okvirni sporazum) i vremenu zaključenja istog.

Plan je okvirni dokument koji se može mijenjati i dopunjavati u toku godine.

II

Ugovorni organ zadržava pravo u slučaju obrazloženog zahtjeva zasnovanog na odredbama Zakona o javnim nabavkama da promijeni vrstu postupka kao i procijenjenu vrijednost nabavke na temelju obrazloženja zasnovanog na ekonomskim ili drugim pokazateljima, kao što su znatnije promjene cijena u odnosu na cijene u vrijeme procjene vrijednosti, smanjenje ili povećanje količina u skladu sa izmjenjenim okolnostima i sl.

III

Za sve nabavke predviđene Privremenim planom javnih nabavki obavezno je donošenje odluke o pokretanju postupka nabavke u formi i sadržaju u skladu sa članom 18. Zakona o javnim nabavkama.

Sredstva predviđena za neplanirane nabavke mogu se koristiti na temelju pojedinačne odluke koja se zasniva na obrazloženom zahtjevu o nužnosti i utemeljenosti nabavke koja se nije mogla predvidjeti u vrijeme donošenja plana nabavke.

IV

Po usvajanju Budžeta Plan javnih nabavki će se objaviti na web stranici Vlade Unsko sanskog kantona, www.vladausk.ba, prije pokretanja bilo kojeg postupka, a najkasnije u roku od 60 dana od dana usvajanja Budžeta Unsko - sanskog kantona za 2021. godinu.

V

Privremeni Plan javnih nabavki za 2021. godinu je prilog ove Odluke i čini njen sastavni dio.

Ova Odluka stupa na snagu danom donošenja.

Broj: 03-45-436-1/21
Bihać, 2-01-2021



PREMIJER KANTONA
mr.sci.Mustafa Ružnić